

SARS yi fungha siku ra SMME ra Misava hi nseketelo wa rixaka hinkwaro eka mabindzu lamatsongo

Tshwane, 19 Khotavuxika – Vukorhokeri bya Xibalo bya Afrika-Dzonga (SARS) byi ta fungha Siku ra Misava ra Mabindzu Lamatsongo, ma le Xikarhi na Lamatsongo Swinene (SMME) hi phurogireme yo kongomisa ya rixaka leyi kongomisiweke eku tiyiseni ka nseketelo eka mabindzu lamatsongo, ku tekela enhlokweni xiave xa wona eka nkulo wa ikhonomi na vulangzelelanawu bya xibalo.

Tanihi xiphemu xa pfhumba, SARS yi ta rhurhela tihlengeletano ta nkoka ku sukela hi ti 23 ku fikela ti 26 Khotavuxika eEastern na le Western Cape, loko ku ri karhi ku simekiwa Vhiki ra Nseketelo wa SMME ku sukela hi ti 22 ku fikela ti 26 Khotavuxika eswifundzenikulu hinkwaswo. Enkarhini wa nkarhi lowu, SARS yi ta nyika mpfuneto wa le ndhawini eka tiSMME, ku katsa na nseketelo hi ntsariso wa xibalo, swiboho swa vulangzelelanawu, na ntirhiso wa tipulatifomo ta dijitali leti tumbuluxiweke ku endla vulangzelelanawu byi olova no fikeleleleka.

TiSMME ti le xivindzini xa mpfuko na nkulo wa ikhonomi ya Afrika-Dzonga. SARS yi tekela enhlokweni ku hoxa xandla ka tona ku nga ri ntumbuluxo wa mitirho ntsena kambe no tlhela ku hlayisiwa tshaku ra tiko ra xibalo. Xiave xa SARS i ku nyika nhlamuselo na ntiyisiso ku katsa no endla swi olova eka mabindzu lamatsongo ku fikelela swiboho swa wona no nghenelela hi ntalo eka ikhonomi. Hi ku tirhisa phurogireme yo endla ximodeni, SARS yi le ku akeni ka sisiteme ya xibalo leyi fikelelekaka swinene leyi katsaka tipulatifomo ta dijitali na nseketelo wa masungulo lowu hungutaka hakelo na mphasaphasano wa vulangzelelanawu. Vhiki ra Nseketelo ra SMME i nhlamuselo yo koteka ya vutinyiketeri byebyo.

SARS yi ta yisa vukorhokeri bya yona eka mavanti ma vahakelaxibalo yi vula leswaku pfhumba ri ta tlhela ri khapela eka tiphurogireme to kongomisa ta dyondzo eka tisekithara tin'wana ta SMME, hi nkongomiso eka antswiso wa ntwisiso wa swiboho swa xibalo no ndlandlamuxa vutitshembi eka sisiteme ya xibalo. Khomixinara wa SARS, Dkd. Makhubu u vurile " Hi tisa vukorhokeri bya SARS thwii eka vaaki etikweni hinkwaro hi nkongomiso wa nseketelo eEastern na Western Cape, kun'we na migingiriko eswifundzenikulu. SARS yi hlohlotela tiSMME hinkwato ku kuma mpfuno eka xivandla lexi ku burisana hi ku kongoma na vatirhi va SARS, ku fikelela vukorhokeri bya nseketelo, no tiyisisa leswaku va landzelerisa swiboho swa yona swa xibalo."

Siku ra SMME ra Misava ra SARS - Tihlengeletanokulu

SARS yi ta khoma mimbhurisano yo hlaya eswifundzenikulu hinkwaswo ku tsundzuka Siku ra Misava ra SMME, leri kongomisiweke eku seketeleni ka mabindzu lamatsongo hi dyondzo ya xibalo na ndzetelo wa vulangzelelanawu.

Xedulu ya Nhlengeletano:

- **Western Cape**

Siku: Musumbhunuko, 22 Khotavuxika 2026

Nkarhi: 09:00 – 13:00

Ndhawu: Avondale Hall, Atlantis

Siku: Ravumbirhi, 23 Khotavuxika 2026

Nkarhi: 09:00 – 15:00

Ndhawu: Parow Minor Hall, Glenlily

- **Eastern Cape Eastern Cape**

(Gqeberha)

Siku: Ravumune, 25 Khotavuxika 2026

Nkarhi: 09:00 – 15:00

Ndhawu: SARS Building (Corner of St Mary's Terrace and John Kani)

- **Queenstown**

Siku: Ravumune, 25 Khotavuxika 2026

Nkarhi: 09:00 – 15:00

Venue: Tobi Kula Indoor Sports Centre

Swivutiso swa vuhangalasamahungu swi nga rhumeriwa eka
SARSMedia@sars.gov.za.